



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### De Conciliis Generalibus Approbatis Ac Reprobatis Breve Compendium.

Longo, Francesco

Romae, 1624

26. Pisanum.

**urn:nbn:de:hbz:466:1-10467**

à quolibet Cardinale iuramen-  
tum alta, & intelligibili voce  
fiat his verbis: *Testor Chri-  
stum Dominum, qui me iudi-  
caturus est, me eligere quem  
secundum Deum iudico eligi  
debere, & quòd idem in accf-  
su præstabo.* Et hoc iuramen-  
tum à nullo omittatur. Simi-  
le iuramentum habetur in Cõ-  
cilio Basileensi. Sess. 23. non  
longè à principio.

## De Concilio Pisano.



Anno 1409. celebra-  
tum est Concilium  
Pisanum indictum  
& congregatum à  
Cardinalibus Gregorij XII. &  
Benedicti XIII. ad schisma tol-  
lendum. Res sic gesta est, vt pa-  
tet ex Blondo, lib. 10. decad. 2.  
et S. Antonino, par. 3. tit. 22. c.  
5. §. 2. Cardinales obedientie  
Gregorij XII. videntes nego-

N tium

Anno  
1409  
Concilium  
hoc qua oc-  
casione con-  
gregatum

tium extirpandi schismatis paulatim ad nihilum reduci, & non solum Gregorium XII. sed etiam Benedictum XIII. concordiam recusare contra iurandum, & fidem in ipsorum electionibus datam; Gregorium quoque contra idem iurandum, & fidem alios Cardinales, absque ulla necessitate, & ipsis inuitis, creare: hac nacti occasione, ab eo tunc Luca commorante recedentes, Pisas petiere. Quod cum plerique eorum, qui Benedictum XIII. sequebantur, vidissent, simili exemplo ipsum Benedictum deserentes, cæteris Cardinalibus Gregorij, qui Pisas erant, se se adiunxerunt. Ibi quoque indicto Concilio Generali, & cum maxima Prælatorum frequentia inchoato, uterque Pontifex ab eis damnatus est, & utroque tamquam periuro, schismatico, hæretico, collusore, & schis-

ma.

maticorum fautore, publico omnium decreto Nonis Iunij anni Domini 1409. è Pontificatu deiecto, in vtriusq. locū, vigesimo post abrogationem die, tertium elegerunt Petrum Philaretum natione Græcum, Prouinciæ Cretens̄is, instituti, & Ordinis Fratrum Minorum & Sacræ Theologiæ Doctorem, eximium, Presbyterum Card. Basilicæ Sāctorum Duodecim Apostolorum, & Alexandrum V. vocarunt. Interfuerunt in eo Concilio Cardinales 23. Patriarchæ tres, Archiepiscopi, & Episcopi 300. Monasteriorum Præfecti 280. Theologi, & Legati Principum Europæ.

Dubitatum est valde an canonicè, & legitimè esset Concilium conuocatum, eo quod sine ylla Romani Pōtificis auctoritate esset indictum. De ea re, teste S. Antonino, loco citato, Florentiæ Laurentius Ro-

*Cardinales in Concilio Papæ Alex. V. creant, sublatis Greg XII & Benedicto XIII. qui Pontifices se esse asserebant.*

*An Concilium hoc legitimè congregatum fuerit, cū sine Pontificis auctoritate fuerit indictū.*

## 292 DE CONCILIO

dulphus triduo disputauit, & tandem conclusit, Concilium esse legitimum. Ioannes Gerson in libello; An Papa ex auctorari possit: *Hi Dei Nutu, inquit, & Spiritus Sancti, sicut credendum est, inspiratione tacti fuerunt.* Item cum Alexander V. Bononiæ graui-ter ægrotasset, & cognouisset sibi mortem imminere; Cardinales ad se venientes, ad concordiam, & pacem, & ad tuendam Ecclesiæ auctoritatem, ac dignitatem adhortatus, dixit: Per eam mortem, quam se continuo subiturum putabat, se existimare, & credere, quæ in Concilio Pisano acta fuerant, rectè, & integrè sine dolo malo facta fuisse. Insuper ipse Alexander V. in eo Concilio creatus, in numero Pontificum Romanorum reponitur; & qui multo post tempore secutus est, eodem nomine Alexander

V.

VI. dictus est. Antoninus loco citato dicit fuisse Conciliabulum, quia absque Romani Pontificis auctoritate fuit congregatum, & quia Gregorius XII. Concilij conuocationem non recusabat; sed solum restitit, ne Pisis congregaretur.

Denique, quicquid sit, Concilium Pisanum congregatum est à Cardinalibus tempore schismatis, quo duo Pontifices erant dubij, & incerti, & indictum est, non ad res fidei definiendas; sed ad schisma in Ecclesia noxium abscindendum: quamuis reuera sublatum non sit, sed potius auctum, quia Gregorius XII. & Benedictus XIII. Pontificatum deponere noluerunt: verum hoc fuit per accidens; nam primaria intentio congregandi tale Concilium fuit ad schisma tollendum.

Et hæc est vna ex illis causis, quæ à Theologis assignan-

*Concilium generale quando sine Pontificis auctoritate conuocari potest.*

N 3 tur,

tur, propter quas licite con-  
 gregari potest Concilium ge-  
 nerale absque Summi Pontifi-  
 cis auctoritate, & consensu,  
 nempe si duo, vel plures de Sū-  
 mo Pontificatu contenderent,  
 itaut vtriusque ius sit incertū,  
 & dubium: tunc enim penes  
 Ecclesiam potestas est, Conci-  
 lium conuocandi, vt schisma  
 tollatur: ita tamen, vt prius  
 vterque moneatur, velit ne Cō-  
 cilium indicere: vtroque verò  
 reuente, Cardinalium est, &  
 Episcoporum, & aliorum simi-  
 lium Concilium celebrare: vt  
 communi Ecclesiæ saluti peri-  
 cilitanti consulatur: ac ita coa-  
 ctum est Concilium hoc Pifa-  
 num contra Gregorium XII.  
 & Benedictum XIII. Cuius po-  
 stea auctoritate conuocatum  
 est Concilium Constantiense,  
 in quo Gregorius XII. Pontifi-  
 catum sponte deposuit; Bene-  
 dictus verò XIII. inuitus ab eo  
 deie-

CONSTANTIENSI. 295  
deiectus, & Ioannes XXIII. eo  
quod occultè fugere conare-  
tur, & comprehensus est, & in  
carcerem trusus, ac demum  
Pontificatu nudatus, vt in seq.  
Concilio.

## De Concilio Constan- tienti.



Anno 1414. celebra-  
tum est Concilium  
Cōstantiense, quod  
indictum, & conuo-  
catum est auctoritate Ioannis  
XXIII. id summopere procu-  
rante Sigismundo Imperato-  
re. Interfuerunt in eo Conci-  
lio Cardinales 29. Archiepi-  
scopi 47. Episcopi 270. Ab-  
bates, & Priores 164. Coactū  
est Cōcilium hoc contra schis-  
ma trium Pontificum Roma-  
norum Ioannis XXIII. Grego-  
rij XII. & Benedicti XIII. Sunt

Anno  
1414

*Coactum  
est hoc Cō-  
cilium öv-  
tra Schis-  
maticos  
Papas.*

N 4 in